




# ხაშურის მთაშვე



№26 (157)

2 ივლისი, ორშაბათი,

2018 წელი

## ტენდერები -- ეკონომიამ მილიონ ლარზე მეტი შეადგინა

ამ დღეებში, მუნიციპალიტეტის საკრებულოში, ქონების მართვისა და ბუნებრივი რესურსების საკითხების კომისიამ (თავმჯდომარე ზვიად ტყეშელაშვილი), მოისმინა მუნიციპალიტეტის მერიის შესყიდვებისა და მატერიალურ-ტექნიკური უზრუნველყოფის განყოფილების 2018 წლის ორი კვარტლის ანგარიში (1 იანვრიდან 25 ივნისის ჩათვლით). როგორც კომისიის სხდომაზე განყოფილების უფროსმა მარიამ გოგალაძემ განაცხადა, ამ პერიოდში ხაშურის მუნიციპალიტეტის მიერ გამოცხადებული იქნა 43 ტენდერი, საიდანაც 29 ტენდერი დასრულდა დადებით შედეგით, ანუ გაფორმდა ხელშეკრულებები სახელმწიფო შესყიდვის შესახებ (გამოცხადებული ტენდერების საგარეულო ღირებულება შეადგენს 4 991 366.36 ლარს, ხელშეკრულებების ჯამური ღირებულება შეადგენს 3 902 556.91 ლარს, ეკონომია 1 088 809.45 ლარი). გამოცხადებული ტენდერებიდან არ შედგა 10 ტენდერი, 4 ტენდერი დასრულდა უარყოფითი შედეგით.

2018 წლის I-II კვარტალში (1 იანვრიდან -25 ივნისის ჩათვლით) სულ განხორციელებულია 108 შესყიდვა, რამაც გაფორმებული ხელშეკრულების მიხედვით შეადგინა 4 184 608.74 ლარი.

ზემოაღნიშნული შესყიდვებიდან, გამარტივებული შესყიდვის საშუალებით გაფორმებულია 73 ხელშეკრულება, 232 615.20 ლარის შესყიდვაზე.

ელექტრონული ტენდერების საშუალებით გაფორმებულია 35 ხელშეკრულება, 3 951 993.54 ლარის შესყიდვაზე.



## №7 საბავშვო ბაღის რეაბილიტაცია დასრულდა

რეგიონული განვითარებისა და ინფრასტრუქტურის სამინისტრომ, ხაშურში, თამარ მეფის ქუჩაზე მდებარე №7 საბავშვო ბაღის რეაბილიტაცია დაასრულა. პროექტი მსოფლიო ბანკის დაფინანსებით განხორციელდა და მისი ღირებულება დაახლოებით 904 ათასი ლარია.

დასრულებული პროექტი მუნიციპალური განვითარების ფონდის აღმასრულებელი დირექტორის მოვალეობის შემსრულებელმა ჯუანშერ ბურჭულაძემ დაათვალიერა.

ახალი საბავშვო ბაღი 6 ასაკობრივ ჯგუფზეა გათვლილი და 200 აღსაზრდელს მოემსახურება. შენობა ადაპტირებულია შეზღუდული შესაძლებლობების მქონე პირთათვის.

პროექტის ფარგლებში მოეწყო ბაღის მიმდებარე ტერიტორია, მოპირკეთდა შენობის შიდა და გარე კედლები, შეიცვალა კარ-ფანჯარა და წყალგაყვანილობა, დამონტაჟდა გათბობა-გაგრილების სისტემა.



## სასამართლო მიხეილ სააკაშვილი ვადერი გელაშვილის ცემის ფაქტზე დამნაშავედ ცნო

თბილისის საქალაქო სასამართლომ საქართველოს ყოფილი პრეზიდენტი მიხეილ სააკაშვილი დეპუტატ ვადერი გელაშვილის საქმეზე დამნაშავედ ცნო.

შეგახსენებთ, რომ საქართველოს პარლამენტის წევრ ვადერი გელაშვილზე 2005 წელს მომხდარი შეიარაღებული თავდასხმის და მისი ცემის საქმეზე, საქართველოს ყოფილ პრეზიდენტს მიხეილ სააკაშვილს, ძალადობით სამსახურებრივი უფლებამოსილების გადაშეშება და ჯანმრთელობის განზრახ მძიმე დაზიანების ორგანიზება ედება ბრალად. მასთან ერთად, ამავე საქმეზე პასუხისმგებლობაში შინაგან საქმეთა ყოფილი მინისტრი ივანე მერაბიშვილი, სპეციალური ოპერატიული დეპარტამენტის ყოფილი უფროსი ერეკლე კოდუა და ამავე დეპარტამენტის სამმართველოს ყოფილი უფროსი გია სირაძე მიეცნენ. აღნიშნულ საქმეზე მერაბიშვილის, კოდუასა და სირაძის მიმართ გამამტყუნებელი განჩინებები დამდგარი. კერძოდ, ივანე მერაბიშვილს საქალაქო სასამართლომ 6 წლითა და 9 თვით, ერეკლე კოდუასა და გია სირაძეს კი 9 წლით თავისუფლების აღკვეთა აქვთ შეფარდებული.



**ყველა დონოში ეძიებ!**

გინდა გახლა გმირი? **გახდი დონორი, გაიღე სისხლი** **გადაურიჩნე სიცოცხლე!**

28 ივლისს, ხაშურის მუნიციპალიტეტის ადმინისტრაციულ შენობაში გამართულ სისხლის უანგარო დონაციის აქციაში, საკმაოდ ბევრი მსურველი ჩაერთო. აქციის ინიციატორი იყო ჰემატოლოგიისა და ტრანსფუზიოლოგიის ინსტიტუტი. აქციაში მონაწილეებს კი მადლობის სიგელები გადაეცათ.

ჰემატოლოგიის ინსტიტუტის სისხლის ბანკიდან, საქართველოს მასშტაბით, 70-მდე კლინიკა მარაგდება, მათ შორის არის ონკოლოგიური, ჰემატოლოგიური პროფილის, გადაუდებელი სამედიცინო დახმარების კლინიკები. ჰემატოლოგიის ინსტიტუტი ასევე ამარაგებს ონკოლოგიითა და ლეიკემიით დაავადებულ პაციენტებს, რომელთათვისაც სისხლის ხშირი გადასხმა არსებით აუცილებლობას წარმოადგენს.

ხაშურის მუნიციპალიტეტის მერია მადლობას უხდის საზოგადოებას ქველმოქმედებისთვის!

### გ ა ნ მ ა რ ტ ე ბ ა

2018 წლის 5 ივნისს, ხაშურის მუნიციპალიტეტის საკრებულომ მიიღო 61 დადგენილება - „ხაშურის მუნიციპალიტეტის ტერიტორიაზე ბინადარი შინაური ცხოველების (ძაღვების და კატების) მოვლა-პატრონობისა და მათი პოპულაციის მართვის წესი.“ აღნიშნულ დადგენილებაში გათვალისწინებულია საქართველოში მოქმედი ცხოველთა დაცვის ავტორიტეტული ორგანიზაციების ოფიციალური მოსახრებები და ცხოველთა დაცვის საერთაშორისო სტანდარტები.

წესის მიღების მიზანია ხაშურის მუნიციპალიტეტის ტერიტორიაზე ბინადარი შინაური ცხოველების (ძაღვი, კატა) მოვლა-პატრონობისა და პოპულაციების მართვის თანამედროვე, მსოფლიოში აპრობირებული ჰუმანური მეთოდებით აღამიანისა და ცხოველის თანაარსებობის უსაფრთხო, საიმედო გარემოს შექმნა. დადგენილებით აიკრძალა ცხოველთა ორთაბრძოლები, ცხოველთა გამოყენება სამიზნეებად, გართობის მიზნით, ცხოველთა წამება, ცხოველებისათვის ვეტერინარული დახმარების გარეშე არსებობა და დეტალურად განისაზღვრა ის ქმედებები, თუ რა შეიძლება ჩაითვალოს ცხოველისადმი სასტიკ მოპყრობად. თუმცა, სამწუხაროდ, ერთ-ერთი ტელეკომპანიის თანამშრომელი დაინტერესდა მხოლოდ დადგენილების 11-ე მუხლით და მოახდინა მისი არასწორი ინტერპრეტაცია. აღნიშნულ მუხლში კი აღნიშნულია, რომ ყველა პირი, რომელიც ეწევა სელექციას ცხოველთა გამრავლების მიზნით, პასუხისმგებელია ცხოველის ჯანმრთელობისა და კეთილდღეობის მახასიათებლებზე, რათა რისკის ქვეშ არ დააყენოს ნაყარის ჯანმრთელობა და კეთილდღეობა. აკრძალულია ცხოველთა გამრავლება სხვადასხვა დაავადებების, თანდაყოლილი ხარვეზებისა და პათოლოგიების არსებობის შემთხვევაში, აგრეთვე პოპულაციური კონტროლის მიზნით, აკრძალულია 2 წლამდე და 6 წელს ზემოთ წელიწადში ერთზე მეტად ცხოველების გამრავლება.

საკრებულოს თითოეული წევრისთვის მიუღებელია საკითხის მსგავსი ინტერპრეტაციით გაშუქება და მზადაა, მისცეს განმარტებები და კონსტრუქციულად ითანამშრომლოს საინფორმაციო საშუალებებთან თუ ნებისმიერ დაინტერესებულ პირთან და არა მათთან, რომლებიც დაინტერესებულნი არიან

საკრებულოსა და სხვა სახელმწიფო ორგანოების დისკრედიტაციით.

კიდევ ერთხელ განვმარტავთ, რომ აღნიშნული დადგენილება, თავისი შინაარსით, მნიშვნელოვანია და მიუსაფარ ცხოველთა პოპულაციის მართვის პრობლემების მოგვარების ერთ-ერთი შემადგენელი ნაწილია. მასში მოცემული რეგულაციების ამოქმედება, სამოქალაქო ცნობიერების ამაღლებასთან ერთად, მნიშვნელოვნად შეამცირებს მიუსაფარ ცხოველთა რაოდენობას ქუჩაში.

აქვე გთავაზობთ ზემოაღნიშნული დადგენილების მე-11 მუხლს, რომლის გაცნობის შემდეგ, მკითხველი კიდევ ერთხელ დარწმუნდება, რომ ეს მუხლი აბსოლუტურად თანხვედრაშია ცხოველთა დაცვის საერთაშორისო სტანდარტებთან.

#### მუხლი 11. ცხოველების მოშენება

1. ცხოველების მოშენება უნდა იყოს მიზნობრივი, გეგმაზომიერი და წინასწარგანსაზღვრული.

2. ყველა პირი, რომელიც ეწევა სელექციას ცხოველთა გამრავლების მიზნით, პასუხისმგებელია ცხოველისა და მისი კეთილდღეობის მახასიათებლებზე, რათა რისკის ქვეშ არ დააყენოს ნაყარის ჯანმრთელობა და კეთილდღეობა.

3. აკრძალულია ცხოველების გამრავლება შემდეგი დაავადებების დაფიქსირების შემთხვევაში: დისპლაზია, გენერალიზებული დემოდეკოზი, იდეოპათიური ეპილეფსია, კრიპტოხიზმი, ლეიშმანიოზი-გენეტიკური სნეულებების, თანდაყოლილი ხარვეზებისა და პათოლოგიების მქონე გენეტიკურად არასრულფასოვანი, ასევე პოპულაციური კონტროლის მიზნით აკრძალულია 2 წლამდე და 6 წელს ზემოთ და წელიწადში ერთზე მეტად ცხოველების გამრავლება.

4. აკრძალულია სხვადასხვა სახეობის და სხვადასხვა ჯიშის ცხოველების შეჯვარება, ერთი სახეობისა და სხვადასხვა ჯიშის ცხოველების შეჯვარება დასაშვებია მხოლოდ სელექციურ წესებს დაქვემდებარებული ჯიშების შემთხვევაში.

5. ფიზიკური პირები, რომლებიც ეწევიან ცხოველების კომერციულ მოშენებას და მათ პერმანენტულ რეალიზაციას, სავალდებულოა, საქართველოს კანონმდებლობით დადგენილი წესით დარეგისტრირდნენ ეკონომიკური საქმიანობის განმასრეცილებელ პირად.

მუნიციპალიტეტის საკრებულო

### რას (არ) გულისხმობს რეაღრად

#### “ცხოველებისთვის სექსის აზრადღა”

ხაშურის მუნიციპალიტეტის საკრებულომ, 5 ივნისს, შინაური ცხოველების – ძაღვებისა და კატების მოვლა-პატრონობისა და მათი პოპულაციების მართვის წესი დაამტკიცა. დადგენილების მე-11 მუხლით საკრებულომ შინაური ცხოველები მოშენების ასაკი განსაზღვრა, კერძოდ, აკრძალა იმ ცხოველების გამრავლება, რომელთა ასაკიც ან 2 წლამდეა, ან 6 წელს ზემოთ.

საკრებულოს ამ გადაწყვეტილების შემდეგ, რამდენიმე მედიასაშუალებაში გავრცელდა ინფორმაცია, თითქოს ხაშურის საკრებულომ “ცხოველებს სექსი აუკრძალა”. ნეტგაზეთი დაუკავშირდა ხაშურის საკრებულოსა და მერიას, რათა გაერკვია, თუ რატომ დაადგინა საკრებულომ ცხოველების მოშენებისთვის სპეციალური ასაკი.

როგორც საკრებულოს დადგენილებაში ვკითხულობთ, გარდა ასაკობრივი შეზღუდვისა, აიკრძალა ცხოველების მოშენება ისეთი დაავადებების შემთხვევაში, როგორცაა დისპლაზია, გენერალიზებული დემოდეკოზი, იდეოპათიური ეპილეფსია, კრიპტოხიზმი, ლეიშმანიოზი, გენეტიკური სნეულებები. გარდა ამისა, იკრძალება სხვადასხვა სახეობისა და სხვადასხვა ჯიშის ცხოველების შეჯვარება.

როგორც ხაშურის მერიის იურიდიული სამსახურის უფროსი დავით ღვალაძე განმარტავს, აღნიშნული ცვლილება ეხება მხოლოდ იმ პირებს, ვინც სელექციური მოშენებითაა დაკავებული. კერძო პირებისთვის აღნიშნული შეზღუდ-

ვები არ მოქმედებს.

“კანონპროექტი შევადგინეთ “საქართველოს ცხოველთა ფედერაციისა” და სხვა ცხოველების უფლებადამცველი ორგანიზაციების რეკომენდაციების საფუძველზე. რაც შეეხება უშუალოდ ამ ჩანაწერს, როდესაც საუბარი გვაქვს მიზნობრივ სელექციაზე, გასათვალისწინებელია, რომ მაგალითისთვის, 2 წლამდე ძაღვი ჯერ ლეკვია და მათი გამრავლება მიზანშეწონილი არ არის. ასევე არაა რეკომენდებული იმ ძაღვების გამრავლება, რომელთა ასაკიც 6-ს ზემოთაა. 2-დან 6 წლამდე ეს არის საუკეთესო ასაკი ცხოველისთვის, სწორედ ამ ასაკში უნდა მოხდეს “ჯიშისანი” ცხოველების მოშენებაც,” – განმარტავს დავით ღვალაძე.

რაც შეეხება აკრძალვას, რომლის მიხედვითაც, ცხოველების მოშენება მხოლოდ წელიწადში ერთხელ შეიძლება, ღვალაძის თქმით, ეს არა მხოლოდ ცხოველის ჯანმრთელობის ინტერესებიდან გამომდინარე ხდება, არამედ პოპულაციის კონტროლისთვისაც. უწყების განმარტებით, შესაბამისი შეზღუდვების დაწესებით ცხოველების რაოდენობა მკვეთრად არ გაიზრდება და მათი რაოდენობის კონტროლი ცხოველთა ერთიანი რეესტრით განხორციელდება.

“პოპულაციურ კონტროლში იგულისხმება ისიც, რომ, შესაბამისად, ეს ორგანიზაციები აღრიცხვას აწარმოებენ. კონკრეტულად, სელექციონერი ცხოველთა ერთიანი რეესტრში, მოშენების შესახებ, ისეთ ინფორმაციას შეიტანს, როგორც არის, მაგალითად, მოშენების ადგილი, დრო, ცხოველის ჯიში და ა.შ.” – აღნიშნა დავით ღვალაძემ.

ნინო ზიძინაშვილი, ნეტგაზეთი

#### - სოფლის მეურნეობა -

### ორი პროექტის პრეზენტაცია

26 ივნისს, ალის მოსახლეობასთან მოხდა შეხვედრა usaid-ის პროექტის ფარგლებში, რომელიც ორი სოფლის, ალისა და წადვლის მოსახლეობის ინფორმირებულობას ისახავს მიზნად, აგრეთვე, მოუწოდებს ორი პროექტის პრეზენტაცია, დაინტერესებულ მოსახლეობას, საგრანტო კონკურსში მონაწილეობის საფუძველზე, ეძლევა შესაძლებლობა დაიწყო სასათბურე და სამაცივრე მეურნეობა, რაც მათ შრომას გააიოლებს და ხელს შეუწყობს ბაზრისთვის მოთხოვნილი და კონკურენტუნარიანი პროდუქციის წარმოებას.



როგორც ჩვენთან საუბარში, შიდა ქართლის ოფისის წარმომადგენელმა მიხეილ ჯაფარიძემ აღნიშნა:

– იუსაიდის პროექტის “ზრდა საქართველოში” ფარგლებში, ხორციელდება ერთ-ერთი აქტივობა, რომელსაც ჰქვია “ფერმერთა სავლე სკოლა”. ამ პროექტის ფარგლებში, ადგილზე ხდება ფერმერებთან შეხვედრა სამიზნე

თემებში. დაინტერესებულ მოსახლეობას ვაწვდით ინფორმაციას სათბურში თანამედროვე ტექნოლოგიების გამოყენებაზე, სასათბურე მეურნეობაზე, მოვლა-მოყვანის აგროტექნიკებზე, სათბურის აწყობაზე, წვეთოვანი სარწყავი სისტემის მუშაობაზე და სხვა. ასევე ხდება ჩვენი ორი საგრანტო პროექტის პრეზენტაცია, რომლებიც ამ დროისთვის გვაქვს, ესაა სამაცივრე საწყობების მოწყობა და სათბურების მოწყობა. სამიზნე სოფლები ხაშურის მუნიციპალიტეტში არის ალი და წადვლი-რომელიც საზღვრისპირა სოფელს წარმოადგენს. დაფინანსებისთვის საჭიროა გამოცდილების ქონა, წყალთან და დენთან წვდომა. სათბურის გაკეთების სურვილის შემთხვევაში, მოთხოვნა ჩვენი მხრიდან, არის 10 მეასედი მიწის ნაკვეთის ქონა, სამაცივრე საწყობის შემთხვევაში, სხვა პირობებია. ასევე, პროექტების მართვის სააგენტოსთან ჩვენ გვაქვს მემორანდუმი, რომლის საფუძველზეც, ჩვენი თანამონაწილეობით, 60 % დაუფინანსდება. ამ პროექტის ფარგლებში, განსაზღვრულია 50 ბენეფიციარის დაფინანსება სათბურის მოწყობით. დაფინანსების შემთხვევაში, ჩვენი მხრიდან, მოხდება პერიოდული მონიტორინგი. დაფინანსებულ ბენეფიციარს მხოლოდ აქტიურობის და საქმის კეთების ვალდებულება აქვს.

თ. ჯავახიშვილი



# ბრძოლა ნახევრებზე

(ტაშისკრის ბრძოლა)

„ჭკითხეთ ტაშისკარს.  
ჭკითხეთ ასპინძას,  
რა მასპინძლობაც  
მტერს დავახვედრეთ“.

გ. ლეონიძე

1609 წლის ივნისში, ქვიშხეთის მინდორზე, ე.წ. ნახევრებზე მოხდა ბრძოლა, რომელიც ცნობილია, როგორც ქვიშხეთის, ისე ტაშისკრის ბრძოლის სახელით. სასკოლო სახელმძღვანელოებში, თითქმის ყველგან, აღნიშნული ბრძოლა ქვიშხეთის ბრძოლად მოიხსენიება. ვახუშტი ბატონიშვილი, ბერი ეგნატაშვილი აღნიშნავენ, რომ ოსმალთა და ყირიმელ თათართა დიდი ჯარი “დადგნენ ტაშისკრის ბოლოს “ნახევრებში”, სადაც, ფაქტობრივად, მოხდა ბრძოლა. აღნიშნულმა ბრძოლამ ქართულ პოეზიაშიც კპოვა გამოძახილი. კერზოდ, იოსებ თბილელის “დიდმოურავიანში”. არაერთმა ქართველმა პოეტმა (გ. ლეონიძე, შ. ნიშნიანიძე, გ. აბაშიძე და სხვა) მიუძღვნა საინტერესო სტრიქონები.

საისტორიო წყაროების მიხედვით, “ნახევრებზე” მომხდარი ბრძოლა (ნახევრები ხომ იგივე ქვიშხეთის მინდორია), როგორც ქვიშხეთელებს, ასევე ტაშისკრელებს, შეუძლიათ სიამაყით მიითვალონ, მათ ტერიტორიაზე მომხდარად. ქვიშხეთელებს იმიტომ, რომ ბრძოლა ტაშისკრის ბოლოს მოხდა და გამარჯვებულმა ქართველებმა ნადიმი ტაშისკარში გადაიხადეს.

ერთი რამ ფაქტია: მაშინდელი ტაშისკარი, როგორც ჩანს, მდ. შოლას შესართავამდე გრძელდებოდა და დღევანდელი გიგანტური შენობების უბნის დიდი ნაწილიც იქ შედიოდა. მითუმეტეს, რომ

შეიპყრეს ერთი მღვდელი, სახელად თევდორე, რომელიც, მემპტიანეს თქმით, იყო “პატოსანი და მოშიში ღმრთისა და ერთგული მეფისა თვისისა”.

თათრები სოფელ გოსტიბაში რომ შევიდნენ, დაუწყეს მღვდელს ცემა ლახტით და უბრძანეს ცხირეთის გზა ესწავლებინა: “მიგვიძეხ მეფეზედაო”. მღვდელმა გულში თქვა “ჩემის ორი დღის სიცოცხლისათვის ამას რატო ვიქ, აწ მიუძღუე და მეფე მოვაკვლევიო და ქართლიც გააოხრონ, მე რაღა მეშველებო და ან ჩემს სულსაო”.

ამ ფიქრით, სამშობლოს მოყვარული მღვდელი წაუძღვა თათრებს, წამოიყვანა ქვენა დრისის გზაზე ერთწმინდაში, რითაც ცხირეთს ძალიან დააშორა. თათრებმა, როდესაც გაიგეს, რომ მოტყუვდნენ, მღვდელს თავი მოჰკვეთეს. ქართულმა ეკლესიამ, მეფის და სამშობლოს ერთგული მღვდელი, წმინდანად შერაცხა.

ცხირეთში მეფეს თან ახლდა თბილისის მოურავი გიორგი სააკაძე და ზაზა ციციშვილი. მოურავმა მეფეს ურჩია, ნუ აჩქარდები და ვნახოთ, ღმერთი რას მოახდენსო.. სასწრაფოდ შემოიკრიბა ჯარი საბარათიანოდ და ზაზა ციციშვილის ჯართან ერთად დაიძრა თათართა წინააღმდეგ. ნიაბის ბოლოს, სხერტის ჭაღასთან, ქართველნი მცირე ჯარით ეკვეთნენ მტერს და დიდი ზიანიც მიაყენეს. ზაზა ციციშვილმა კი დიდი ფაშა მოკლა. ჩამოხტა ცხენიდან, რათა თავი მოეჭრა. მოჭრილი თავი კბილებით დაიჭირა. თან თავდამსხმელებს იგერიებდა: მოახტა ცხენს და მეფეს ძლევამოსილი ეახლა.

შეშინებული თათრები აიყარნენ და მტკვრის მარჯვენა სანაპიროს აყვნენ საციციანოს სოფლების რბევით და ძარცვით, სოფელ დოესში მივიდნენ, რათა იქიდან მტკვარზე გადებულ ხიდით, მარცხენა ნაპირზე გადასულიყვნენ და გორში შეჭრილიყვნენ. გორის მიმავალი თათართა ლაშქარი სომეხმა მღვდელმა დაინახა, რომელიც გორიდან დოესში მიდიოდა. იგი სწრაფად გაბრუნდა უკან და ხიდი დაშალა.

ოსმალო-თათრები მტკვარზე ვერ გადავიდნენ, ისევ საციციანოს აჰყვნენ, მთარბიეს დარჩენილი სოფლები და სოფელ რბონაში გაჩერდნენ. აქ მათ მოახერხეს მდინარის გადალახვა. დაშალეს ხის სახლები და მტკვარზე ხიდი გააკეთეს. გავიდნენ მეორე ნაპირზე და ქვიშხეთის მინდორზე დაბანაკდნენ: “დადგნენ ტაშისკრის ბოლოში, “ნახევრებში”.

ამასობაში, მეფე ლუარსაბმა მოუწოდა ქართლის ჯარს სწრაფად შეკრებილიყვნენ და სურამის ბოლოს დახვედროდნენ.

თვითონ კი, მცირე ჯარით, გიორგი სააკაძესთან მივიდა. ივნისი იდგა. წვიმების შედეგად, მტკვარი დიდი მოდიოდა. იმ დამეს იქვე გაათიეს. დილით ილოცეს და ცხენები წყალში შეაცურეს, რათა მარცხენა ნაპირზე გადასულიყვნენ “და იყო მაშინ მტკვარი და არა ეტეოდა კალაპოტში. და იყო ღმრთისა საფარველი მათ ზედა და განვიდეს უვნებლად.”

ახალდაბიდან წამოსულები ქართველთა ჯარს შეუერთდნენ სურამის ბოლოს. ბრძოლის წინა დღეს ქართველებმა სააკაძის გეგმა მიიღეს: “მაშინ არჩივა მოურავმან თხრილის პირას გარეშემო მეთოფენი შემოვახვიოთო და ცხენოსანი მინდვრად მივიდეთო”. თხრილები თათრებმა თავდასაცავად ააგეს. სააკაძის გეგმით, ქართველი მეთოფეები თხრილებს უნდა მისდგომოდნენ, სროლა დაეწყოთ და თოფის კვამლს ქართველთა ჯარიც უნდა მიჰყოლოდა, სანამ გაიფანტებოდა. ასეც მოხდა – ქართველთა ცხენოსანი ჯარი განთიადზე მამაცურად ეკვეთა მტერს სააკაძის მეთაურობით. იგი შიშის ზარს სცემდა მტერს თავისი საშინელი ხმით, ბრძოლის ველზე დიდი სისწრაფით დაჰქროდა. იქ ჩნდებოდა, სადაც ყველაზე მეტად უჭირდათ ქართველებს. სახელოვნად იბრძოდა მეფე ლუარსაბი და სხვა ქართველი დიდებულები, ახნაურები და გლეხები. მტერმა თავისი რიცხოვრები უპირატესობა ვერ გამოიყენა-უამრავი თურქი დაიხოცა, ორი ფაშა ტყვედ ჩავარდა.

მემპტიანეს თქმით, “ძუელთა გამირთაგანცა ძნელად შესაძლებლად საგონებელ იყო, რომე მაშინ მეფე და მოურავი დასრულებულად ქართველნი იბრძოდნენ”. “ამ ომსა შინა ფრიალდ მხნედ გამონდნენ მეფე ლუარსაბ და უმეტეს მოურავი”-გვამცნობს ვახუშტი ბატონიშვილი.

ბრწყინვალე გამარჯვება ჰხვდათ წილად ქართველებს. თათართა ბანაკი მთლიანად ხელთ იგდეს, რაც ქართლში ძარცვა-რბევით იშოვეს, ტყვეები თუ საქონელი-ყველაფერი დაატოვებინეს. აქა-იქ გადარჩენილმა შეშინებულმა თათრებმა ტყვეს შეაფარეს თავი, სადაც სოფლის დედაკაცები იჭერდნენ, მოხდიდნენ დოლბანდს, წაართმევდნენ თუ რამე ჰქონდათ, შეიწყალებდნენ და გაუშვებდნენ

“ასეთი დიდი გამარჯვება მოსცა ღმერთმან ქართველთა და შემოიქცნენ გამარჯვებულნი და აღსავსენი საქონლითა და ჰქონდათ ღვინი და სიხარული(ბერი ეგნატიშვილი).” რამდენადაც ქართლზე ირანის შაჰს დიდი გავლენა ჰქონდა და თურქეთი ირანის მტრად ითვლებოდა, ქართველებმა დახოცილი მტრის თავები ყაენს გაუგზავნეს და გამარჯვება მიულოცეს.

ბრზოლის ველზე ბრწყინვალე გამარჯვების შემდეგ, გადმოცემით, ქართველებმა დიდი ღვინი გადაიხადეს ტაშისკრის 500 წლოვანი წაბლის ძირში, ბუნების უღამაზეს წიაღში.

კ. სუთიაშვილი



ლადო გუდიაშვილი. „ტაშისკრის ბრძოლა“.

ვიციოთ, ვახუშტის მიხედვით, ქვიშხეთი სად მდებარეობდა.

ახლა შევეხოთ თვითონ ბრძოლას, რომლის შესახებ ქართველი ისტორიკოსს ბერ ეგნატაშვილს იმდენად დაწვრილებით აქვს მოთხრობილი, მის მონაყოლს რომ მიყვებით, არაფერი დაშავდება.

1609 წელი იდგა. ქართლში ლუარსაბ II მეფობდა, რომელსაც უღამაზეს ვაჟკაცად ახასიათებდნენ: “რამეთუ ესე მეფე ლუარსაბ იყო კაცი შუენიერი და კეკლუცი. სანახავად სატრფიალო, და არსად გამოსულა ამისთანა შუენიერი და შემკობილი კაცი, ყოველისა საღმთო-საკაცობრიო ზნეობით გათავებული და უკლეპი”.

ამ დროს, თურქეთის სულთანი ერაყში ლაშქრობდა და თან ყირიმის ჯარიც ახლდა. ბრძოლის დამთავრების შემდეგ, ყირიმელ და თურქთა ჯარების ერთმა ნაწილმა გადაწყვიტა სამშობლოში საქართველოს გზით დაბრუნებულიყვნენ, ქართლის გავლით. “ქართლის გზა დიად კარგი არის და ჩვენზედაც მარჯუე არის, და იმაზედ გავიაროთ და საშოვარიც მრავალი ვიშოვოთ და წარვიდეთ უზიანოთ. და წამომართნენ ქართველზედ, ვითარცა სამოცი ათასი.”

ამ დროს მეფე ლუარსაბი “ქრცხინვალს(ცხინვალი)” იდგა. თათართა შემოსევის შესახებ რომ მოუვიდა ამბავი, ვინაიდან მარტო იყო და არაყინ ახლდა სასწრაფოდ აიყარა და ცხირეთში მივიდა.

თათრები ქართლში თრიალეთიდან შემოვიდნენ. მესაზღვრე სარდლებმა(ზაქარია და იარალი) ვერ შენიშნეს მტრის შემოსვლა. როგორც ჩანს, თათრებმა, რომლებსაც ქართული წყაროები “თათარხანის ჯარს” და “მგლისტყაოსნებს” უწოდებენ, იცოდნენ მეფის ცხირეთში ყოფნა და გადაწყვიტეს მისი ხელში ჩაგდება. მოაოხრეს მანგლისი და სოფელ კველთაში შევიდნენ, სადაც





### სალიანდაგო სამმართველოს ფეხბურთელია გუნდი მეხუთედ გაჩემპიონდა

18-22 ივნისს, საქართველოს რკინიგზის პროფესიული კავშირის და მისი თავმჯდომარის, ზურაბ ნასარიას ორგანიზებით გაიმართა რეგიონული ტურნირი მინიფეხბურთში. ტურნირის მაღალ დონეზე ჩატარებაში დიდი წვლილი მიუძღვით აგრეთვე ხაშურის რეგიონში პროფკავშირის გამგეობის წარმომადგენელს მილერი ლომიძეს, რკინიგზის სამსახურის ხელმძღვანელებს, პირველადი პროფკავშირების თავმჯდომარეებს, სასპორტო სკოლის დირექტორს ივანე ხარაზიშვილს და ამავე სკოლის სპეციალისტებს იური ნოზაძეს და მეველედ ლომიძეს. ტურნირი ჯგუფური სისტემით წარიმართა და თითოეულ გუნდს ოთხი შეხვედრის ჩატარება მოუწია. პირველობა კი, ამ ტრადიციული ტურნირის ისტორიაში, უკვე მეხუთედ არავის დაუთმო უღელტეხილის სალიანდაგო სამმართველოს გუნდმა. მეორე ადგილი სალოკომოტივო დეპოს გუნდმა მოიპოვა.

გამარჯვებულები დაჯილდოვდნენ თასით, მედლებითა და დიპლომებით. ჩემპიონების შემაღვენლობა კი ასეთი იყო: გიორგი ბაბლიძე, გიორგი კაკაიშვილი, პაპუნა რევაზიშვილი, სიმონ ზლიაძე, ჯაბა ჩადუნელი (კაპიტანი), გიორგი გოგოლაძე, იმედა მეტრეველი (მოთამაშე მწვრთნელი), გიორგი ბეროზაშვილი, დავით გომარელი, ბექა თომბაძე, ირაკლი ყველიაშვილი.

22 ივნისს, პარალელურად, გაიმართა ტურნირი მკლავჭიდსა და გირების აზიდვაში.

საპრიზო ადგილები ასე გადანაწილდა: მკლავჭიდი (მარჯვენა ხელით) - I - ვლადიმერ კიკნაძე (სალოკომოტივო დეპო), II - გიორგი ტალახაძე (სალიანდაგო სამმართველო), III - იმედა გიორგაძე (სავაგონო დეპო). მარცხენა ხელით: I - ვლადიმერ კიკნაძე, II - ვიტალი ბერიძე (სავაგონო დეპო), III - ალექსი მელიქიძე (სადგური ხაშური).



24 კგ. გირის აზიდვა: I - გიორგი ტალახაძე (სალიანდაგო სამმართველო), II - თეიმურაზ ვარძელაშვილი (სავაგონო დეპო).

32 კგ. გირის აზიდვა: I - გიორგი მახთაძე (ელექტრომომარაგება), II - ვალერი მესხი (სალიანდაგო სამმართველო).

იმედა მეტრეველი, რკინიგზის პროფესიული კავშირის უღელტეხილის სალიანდაგო სამმართველოს პირველადი ორგანიზაციის თავმჯდომარე

### - ვერსია -

### მანდილიონმა ანგარიში ჩააბარა

27 ივნისს, სასტუმრო "ივერიას" საკონფერენციო დარბაზში, გაიმართა ხატვების სკოლა "მანდილიონის" მოსწავლეების მიერ შექმნილი ფერწერული ტილოებისა და ხატვების ნიმუშების გამოფენა. აღნიშნული გამოფენა ერთგვარი საანგარიშო იყო, 60-მა მოსწავლემ, 200-მდე ნამუშევარი გამოფინა დამთვალიერებლისთვის. წარმოდგენილი იყო როგორც ფერწერა, გრაფიკა, ასევე მოსწავლეების მიერ დაწერილი ხატები-თემატიკა წელსაც მრავალფეროვანი იყო. როგორც "მანდილიონის" სკოლის ხელმძღვანელმა და გამოფენის ორგანიზატორმა ირაკლი ლიხელმა გვითხრა:

-დღევანდელ გამოფენაში 60 მოსწავლე მონაწილეობდა, წარმოადგინეს



200 ნამუშევარი, რაც იმის დამადასტურებელია, რომ სკოლა ყოველწლიურად იზრდება და მეტ ბავშვს აძლევს შესაძლებლობას, განავითარონ საკუთარი ნიჭი. რაც შეეხება, ხატვებს, ვცდილობთ, ვასწავლოთ შუასაუკუნეების აღმოსავლური ხატვება, რომელიც ყველაზე საინტერესო ეპოქაა ზოგადად მხატვრობის კუთხით. ეს გამოფენა წლევანდელი წლის საანგარიშო გამოფენაა, ერთგვარი შეჯამება მთელი განვლილი წლის. მშობლებს, საზოგადოებას ვაჩვენებთ ერთწლიანი მუშაობის შედეგი. გადავეცით წლის შემაჯამებელი სივრცეები, რომელიც აღნიშნავს მათ წარმატებულ მუშაობას. წელს, ხუთი მოსწავლე ხატვების ოთხწლიანი კურსის პირველი კურსდამთავრებულები არიან, წარმატებებს ვუსურვებ მათ. მიხარია აღვნიშნო, რომ ძალიან ბევრი კარგი და ნიჭიერი ბავშვია, რომლებიც სამომავლოდ თავის სიტყვას იტყვიან ხატვებისა და მხატვრობის კუთხით.



### „მკითხველთა კლუბმა“ ერთწლიანი მუშაობის შედეგები შეაჯამა

26 ივნისს, ხაშურის მუნიციპალიტეტის შემოქმედებით განვითარების ცენტრში, ერთწლიანი მუშაობის შედეგი წარმოადგინეს მკითხველთა კლუბის წევრებმა სახელწოდებით „მკითხველის დღიურები“. დონისძიების მასპინძელმა და კლუბის დამაარსებელმა ნინო დოფიძემ, კითხვაზე შეყვარებულ მოსწავლეებთან ერთად, ისაუბრა წიგნის მნიშვნელობაზე. ბავშვებმა მათთვის საყვარელი ავტორები და წიგნები განიხილეს. ისაუბრეს შინაარსზე, იდეაზე და გავლენაზე, რომელსაც წიგნი ახდენს ადამიანზე. დონისძიების ბოლოს, გადაეცათ „მკითხველობის უმაღლესი ჯილდო მუა“. „მკითხველთა კლუბი“ სექტემბრიდან ისევ განაგრძობს აქტიურ მუშაობას და ელის კლუბის ახალ წევრებს.



D საქართველოს პედაგოგთა და მეცნიერთა თავისუფალი პროფკავშირის ხაშურის რაიონული ორგანიზაცია თანაუგრძნობს ფლევის საჯარო სკოლის დირექტორს ზურაბ ლომიძეს, დედის ვარას გარდაცვალების გამო.

ფლევის საჯარო სკოლის პედაგოგიური კოლექტივი და ტექპერსონალი თანაუგრძნობენ ამავე სკოლის დირექტორს ზურაბ ლომიძეს, დედის ვარას გარდაცვალების გამო.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.